

Dragi maturanti,

U jednom ste od najvažnijih trenutaka cijeloga svoga života. Nalazite se pred vrlo važnom odlukom. Odabir budućeg zanimanja značajno će utjecati na daljnji tok vašeg života. Dobrodošli na naš i vaš Pravni fakultet. Naša je želja da dođete u što većem broju i da studirajući na Pravnom fakultetu, upoznate pravo, jer ćete tako upoznati smisao života, a to je neprekidna težnja za pravdom koja znači pošteno živjeti, nikome ne nanositi štetu i svakome dati ono što mu pripada.

Pravni fakultet Univerziteta u Bihaću već dugi niz godina ima priliku upisivati najbolje studente iz BiH i regiona uz nastojanje da razvija studijske programe na svim razinama studija temeljene na najnovijim naučnim i istraživačkim rezultatima, najvišim stručnim standardima i etičkim načelima.

Studij prava, a potom karijera pravnika, donose niz privilegija. Širok dijapazon profesija krase ovaj poziv. Pravno obrazovanje relevantno je kako za tradicionalnu pravničku profesiju (sudije, tužioc, advokati, notari), tako i za mnoge aktivnosti u poslovnom svijetu (korporativni pravници, izvršni menadžeri), u političkom životu, javnoj upravi (lokalni, regionalni, državni nivo), međunarodnim organizacijama, svim vrstama društvenih organizacija (sindikati, nevladin sektor, službe sigurnosti i dr.), obrazovanju i nauci i sl.

Nastavni proces Pravnog fakulteta Univerziteta u Bihaću korespondira modernim tokovima obrazovanja, što je rezultiralo potpisivanjem brojnih sporazuma o saradnji sa drugim univerzitetima u BiH i Europi. Zahvaljujući tim ugovorima o saradnji omogućena je mobilnost studenata, prema kojoj student koji studira na Pravnom fakultetu u Bihaću u svakom momentu svog studija po vlastitoj želji može nastaviti i završiti svoj studij na bilo kojem univerzitetu u Evropi. A sve to u korist postizanja zavidnog kvaliteta znanja kojim ćete biti prepoznatljivi na tržištu rada. Cijeneci značaj sticanja praktičnih znanja i iskustava, kao i otvorenost za različite oblike saradnje kako sa institucijama iz javnog sektora, tako i nevladinim organizacijama, Pravni fakultet Univerziteta u Bihaću organizira izvođenje pravno-kliničke nastave iz različitih pravnih područja. Isto tako na osnovu sporazuma/ugovora/memoranduma u suradnji sa Kantonalnim sudom, Općinskim sudom u Bihaću, Tužilaštvom USK, Kazneno-popravnim zavodom USK, notarskom kancelarijom studenti redovno prisustvuju suđenjima i obavljaju stručnu praksu.

Pravni fakultet Univerziteta u Bihaću je inicirao alumni druženje i pokrenuo uspostavu alumni udruženja prvenstveno radi uspostavljanja i održavanja trajne veze između Fakulteta i studenata nakon završenog studija, unapređenja i pomaganja naučnog i stručnog rada Fakulteta, te očuvanja tradicije i promicanja ugleda Fakulteta kroz jačanje saradnje s bivšim studentima.

Godine 2019. upisujemo 22. generaciju studenata prava.

Pridružite nam se!

Mi vas očekujemo!